

ॐ नमः परमात्मने, श्री महागणपतये नमः, श्री गुरुभ्यो नमः ।
हरिः ॐ ॥

1.3 प्रथमकाण्डे तृतीयः प्रश्नः -(अग्निष्टोमे

Contents

1.3 प्रथमकाण्डे तृतीयः प्रश्नः -(अग्निष्टोमे पशुः)

1

ॐ नमः परमात्मने, श्री महागणपतये नमः, श्री गुरुभ्यो नमः । हरिः ॐ ॥

1.3 प्रथमकाण्डे तृतीयः प्रश्नः -(अग्निष्टोमे पशुः)

1.3 प्रथमकाण्डे तृतीयः प्रश्नः -(अग्निष्टोमे पशुः)

TS 1.3.1.1

देवस्य॑ । त्वा॒ । स॒वि॒तुः । प्र॒स॒व इति॑ प्र - स॒वे । अ॒श्विनोः॑ । बा॒हुभ्या॑मिति॑ बा॒हु - भ्या॑म् ।
पू॒ष्णः । ह॒स्ताभ्या॑म् । एति॑ । दु॒दे । अ॒भिः । अ॒सि । ना॒रिः । अ॒सि । परि॑लिखित॒मिति॑
परि॑ - लि॒खित॒म् । रक्षः॑ । परि॑लिखिता॒ इति॑ परि॑ - लि॒खिताः॑ । अ॒रा॒तयः॑ । इ॒दम् । अ॒हम्
। रक्ष॑सः । ग्री॒वाः । अपी॑ति । कृ॒न्ता॒मि । यः । अ॒स्मान् । द्वेष्टि॑ । यम् । च॒ । व॒यम् ।
द्विष्मः॑ । इ॒दम् । अ॒स्य । ग्री॒वाः । अपी॑ति । कृ॒न्ता॒मि । दि॒वे । त्वा॒ । अ॒न्तरि॑क्षाय । त्वा॒
। पृ॒थि॒व्यै । त्वा॒ । शु॒न्ध॑ताम् । लो॒कः । पि॒तृष॑द॒न् इति॑ पि॒तृ - स॑द॒नः । यवः॑ । अ॒सि ।
य॒वय॑ । अ॒स्मत् । द्वेषः॑ । 1

TS 1.3.1.2

य॒वय॑ । अ॒रा॒तीः । पि॒तृणा॑म् । स॑द॒नम् । अ॒सि । उ॒दि॒ति । दि॒वम् । स्त॒भा॒न् । एति॑ ।
अ॒न्तरि॑क्षम् । पृ॒ण । पृ॒थि॒वीम् । दृ॒ह । द्यु॒ता॒नः । त्वा॒ । मा॒रु॒तः । मि॒नो॒तु । मि॒त्राव॑रु॒णयो॒रिति॑
मि॒त्रा - व॑रु॒णयोः॑ । ध्रु॒वेण॑ । ध॒र्म॒णा । ब्र॒ह्म॒व॒नि॒मिति॑ ब्र॒ह्म - व॑नि॒म् । त्वा॒ । क्ष॒त्र॒व॒नि॒मिति॑ क्ष॒त्र
- व॑नि॒म् । सु॒प्र॒जा॒व॒नि॒मिति॑ सु॒प्र॒जा - व॑नि॒म् । रा॒य॒स्पो॒ष॒व॒नि॒मिति॑ रा॒य॒स्यो॒ष - व॑नि॒म् । प॒री॒ति ।
ऊ॒हामि॑ । ब्र॒ह्म । दृ॒ह । क्ष॒त्रम् । दृ॒ह । प्र॒जा॒मिति॑ प्र - जा॒म् । दृ॒ह । रा॒यः । पो॒षम् । दृ॒ह

। घृतेन॑ । द्यावा॑ पृथिवी॑ इति॑ द्यावा - पृथिवी॑ । एति॑ । पृणेश्वाम् । इन्द्रस्य॑ । सदेः॑ । असि॑ ।
 विश्वज॑नस्येति॑ विश्व - ज॑नस्य॑ । छाया॑ । परीति॑ । त्वा॑ । गिर्वणः॑ । गिरः॑ । इमाः॑ () । भवन्तु॑
 । विश्वतः॑ । वृद्धायुमिति॑ वृद्ध - आयुम् । अन्विति॑ । वृद्धयः॑ । जुष्टाः॑ । भवन्तु॑ । जुष्टयः॑ ।
 इन्द्रस्य॑ । स्यूः॑ । असि॑ । इन्द्रस्य॑ । ध्रुवम् । असि॑ । ऐन्द्रम् । असि॑ । इन्द्राय॑ । त्वा ॥ 2

(द्वेष - इमा - अष्टादश च) (A1)

TS 1.3.2.1

रक्षो॑हण॒ इति॑ रक्षः - हनः॑ । व॒लग॒हन॒ इति॑ वलग - हनः॑ । वैष्ण॑वान् । ख॒नामि॑ । इ॒दम् ।
 अ॒हम् । तम् । व॒लग॒मिति॑ वल - गम् । उ॒दिति॑ । व॒पामि॑ । यम् । नः॑ । स॒मानः॑ । यम्
 । अ॒स॒मानः॑ । नि॒च॒खानेति॑ नि - च॒खानं॑ । इ॒दम् । ए॒नम् । अ॒द्वरम् । क॒रोमि॑ । यः । नः॑
 । स॒मानः॑ । यः । अ॒स॒मानः॑ । अ॒रा॒ती॒यति॑ । गा॒य॒त्रेण॑ । छ॒न्दसा॑ । अ॒व॒बाढ॑ इत्य॒व॒ - बा॒ढः
 । व॒लग॒ इति॑ वल - गः । किम् । अ॒त्र । भ॒द्रम् । तत् । नौ । स॒ह । वि॒राडिति॑ वि - राट्
 । असि॑ । स॒प॒त्न॒हेति॑ स॒प॒त्न॒ - हा । स॒म्राडिति॑ स॒म॒ - राट् । असि॑ । भ्रा॒तृ॒व्य॒हेति॑ भ्रा॒तृ॒व्य॒ -
 हा । स्व॒राडिति॑ स्व - राट् । असि॑ । अ॒भि॒मा॒ति॒हेत्य॑भि॒मा॒ति॒ - हा । वि॒श्वा॒राडिति॑ विश्व - राट्
 । असि॑ । वि॒श्वा॒साम् । ना॒ष्ट्राणा॑म् । ह॒न्ता । 3

TS 1.3.2.2

रक्षो॑हण॒ इति॑ रक्षः - हनः॑ । व॒लग॒हन॒ इति॑ वलग - हनः॑ । प्रेति॑ । उ॒क्षामि॑ । वैष्ण॑वान् ।
 रक्षो॑हण॒ इति॑ रक्षः - हनः॑ । व॒लग॒हन॒ इति॑ वलग - हनः॑ । अ॒वेति॑ । न॒यामि॑ । वैष्ण॑वान् ।
 य॒वः । असि॑ । य॒वयं॑ । अ॒स्मत् । द्वेषः॑ । य॒वयं॑ । अ॒रा॒तीः । रक्षो॑हण॒ इति॑ रक्षः - हनः॑ ।
 व॒लग॒हन॒ इति॑ वलग - हनः॑ । अ॒वेति॑ । स्तृ॒णामि॑ । वैष्ण॑वान् । रक्षो॑हण॒ इति॑ रक्षः - हनः॑ ।
 व॒लग॒हन॒ इति॑ वलग - हनः॑ । अ॒भीति॑ । जु॒होमि॑ । वैष्ण॑वान् । रक्षो॑हणा॒विति॑ रक्षः - हनौ॑ ।
 व॒लग॒हणा॒विति॑ वलग - हनौ॑ । उ॒पेति॑ । दु॒धामि॑ । वैष्ण॑वी इति॑ । रक्षो॑हणा॒विति॑ रक्षः - हनौ॑ ।

व॒ल॒ग॒ह॒ना॒वि॒तिं व॒लग - ह॒नौ । प॒री॒तिं । ऊ॒हामि॑ । वै॒ष्ण॒वी इति॑ । र॒क्षो॒ह॒णा॒वि॒तिं र॒क्षः - ह॒नौ ।
 । व॒ल॒ग॒ह॒ना॒वि॒तिं व॒लग - ह॒नौ । प॒री॒तिं । स्तृ॒णामि॑ । वै॒ष्ण॒वी इति॑ । र॒क्षो॒ह॒णा॒वि॒तिं र॒क्षः -
 ह॒नौ । व॒ल॒ग॒ह॒ना॒वि॒तिं व॒लग - ह॒नौ । वै॒ष्ण॒वी इति॑ । बृ॒हन् । अ॒सि । बृ॒हद्भा॒वेति॑ बृ॒हत् - ग्रा॒वा ।
 । बृ॒ह॒तीम् । इन्द्रा॑य () । वाच॑म् । व॒द ॥ 4

(ह॒न्ते-न्द्रा॑य॒ द्वे च॑) (A2)

TS 1.3.3.1

वि॒भूरि॑तिं वि - भूः । अ॒सि । प्र॒वा॒ह॒ण इति॑ प्र - वा॒ह॒नः । वह्निः॑ । अ॒सि । ह॒व्य॒वा॒ह॒न इति॑
 ह॒व्य - वा॒ह॒नः । श्वा॒त्रः । अ॒सि । प्र॒चे॒ता इति॑ प्र - चे॒ताः । तु॒थः । अ॒सि । वि॒श्व॒वे॒दा इति॑
 वि॒श्व - वे॒दाः । उ॒शिक् । अ॒सि । क॒विः । अ॒ङ्घ्रि॑रिः । अ॒सि । ब॒भ्रा॑रिः । अ॒व॒स्युः । अ॒सि ।
 । दु॒व॒स्वान् । शु॒न्ध्युः । अ॒सि । मा॒र्जा॒लीयः॑ । स॒म्रा॒डिति॑ सं - राट् । अ॒सि । कृ॒शानु॑रितिं
 कृ॒श - अ॒नुः । प॒रि॒षद्य॑ इति॑ परि - सद्यः॑ । अ॒सि । प॒व॒मानः॑ । प्र॒त॒क्रेति॑ प्र - त॒क्रा । अ॒सि ।
 । न॒भ॒स्वान् । अ॒संमृ॑ष्ट इत्य॑सं - मृष्टः॑ । अ॒सि । ह॒व्य॒सू॒द इति॑ ह॒व्य - सू॒दः । ऋ॒त॒धा॒मेत्यु॑त -
 धा॒मा । अ॒सि । सु॒व॒ज्यो॒तिरिति॑ सु॒वः - ज्यो॒तिः । ब्र॒ह्म॒ज्यो॒तिरिति॑ ब्र॒ह्म - ज्यो॒तिः । अ॒सि ।
 सु॒व॒र्धा॒मेति॑ सु॒वः - धा॒मा । अ॒जः । अ॒सि । ए॒क॒पा॒दित्ये॑क - पा॒त् । अ॒हिः । अ॒सि । बु॒द्धि॒यः ।
 । रौ॒द्रेण॑ । अ॒नी॒केन॑ () । पा॒हि । मा॒ । अ॒ग्ने । पि॒पृ॒हि । मा॒ । मा॒ । मा॒ । हि॒सीः ॥

5

(अ॒नी॒केना॒ष्टौ च॑) (A3)

TS 1.3.4.1

त्वम् । सो॒म । त॒नू॒कृ॒द्भ्य इति॑ त॒नू॒कृ॒त् - भ्यः॑ । द्वे॒षो॒भ्य इति॑ द्वे॒षः - भ्यः॑ । अ॒न्य॒कृ॒ते॒भ्य इत्य॑न्य - कृ॒ते॒भ्यः॑ । उ॒रु । य॒न्ता । अ॒सि । व॒रू॒थम् । स्वा॒हा । जु॒षा॒णः । अ॒सुः ।

आज्यस्य । वेतु । स्वाहा । अयं । नः । अग्निः । वरिवः । कृणोतु । अयम् । मृधः ।
 । पुरः । एतु । प्रभिन्दन्निति प्र - भिन्दन् ॥ अयम् । शत्रून् । जयतु । जरह्मणः ।
 अयम् । वाजम् । जयतु । वाजसाताविति वाज - सातौ ॥ उरु । विष्णो इति । वीति ।
 क्रमस्व । उरु । क्षयाय । नः । कृधि ॥ घृतम् । घृतयो न इति घृत - योने । पिब । प्रप्रेति
 प्र - प्र । यज्ञपतिमिति यज्ञ - पतिम् । तिर ॥ सोमः । जिगाति । गातुविदिति गातु - वित् । 6

TS 1.3.4.2

देवानाम् । एति । निष्कृतमिति निः - कृतम् । ऋतस्य । योनिम् । आसदमित्या - सदम्
 । अदित्याः । सदः । असि । अदित्याः । सदः । एति । सीदु । एषः । वः । देव
 । सवितुः । सोमः । तम् । रक्षद्धम् । मा । वः । दुभत् । एतत् । त्वम् । सोम
 । देवः । देवान् । उपेति । अगाः । इदम् । अहम् । मनुष्यः । मनुष्यान् । सह
 । प्रजयेति प्र - जया । सह । रायः । पोषेण । नमः । देवेभ्यः । स्वधेति स्व - धा ।
 पितृभ्य इति पितृ - भ्यः । इदम् । अहम् । निरिति । वरुणस्य । पाशात् । सुवः । अभि । 7

TS 1.3.4.3

वीति । ख्येषुम् । वैश्वानरम् । ज्योतिः । अग्रे । व्रतपत इति व्रत - पते । त्वम् । व्रतानाम्
 । व्रतपतिरिति व्रत - पतिः । असि । या । मम । तनूः । त्वयि । अभूत् । इयम् । सा
 । मयि । या । तव । तनूः । मयि । अभूत् । एषा । सा । त्वयि । यथायथमिति यथा -
 यथम् । नौ । व्रतपत इति व्रत - पते । व्रतिनोः । व्रतानि ॥ 8

(गातुविदु-भ्ये-कत्रिंशच्च) (A4)

TS 1.3.5.1

अतीति । अन्यान् । अगाम् । न । अन्यान् । उपेति । अगाम् । अर्वाक् । त्वा ।

परैः । अ॒वि॒दु॒म् । प॒रः । अ॒वरैः । तम् । त्वा॒ । जु॒षे । वै॒ष्ण॒वम् । दे॒व॒य॒ज्या॒या॒ इति॑
 दे॒व - य॒ज्या॒यै । दे॒वः । त्वा॒ । स॒वि॒ता । म॒द्धा॑ । अ॒न॒क्तु॒ । ओष॑धे । त्रा॒य॒स्व । ए॒न॒म्
 । स्व॒धि॒तु॒ इति॑ स्व - धि॒ते । मा । ए॒न॒म् । हि॒॒सीः । दि॒वम् । अ॒ग्रे॒ण । मा । ल॒खीः
 । अ॒न्त॒रि॒क्षम् । म॒द्ध्ये॒न । मा । हि॒॒सीः । पृ॒थि॒व्या । स॒मि॒ति॑ । भ॒व । वन॑स्पते ।
 श॒त॒व॒ल्, श॒ इति॑ श॒त - व॒ल्, शः । वी॒ति॑ । रो॒ह । स॒ह॒स्र॑व॒ल्, श॒ इति॑ स॒ह॒स्र॑ - व॒ल्, शः । वी॒ति॑
 । व॒यम् । रु॒हे॒म् । यम् () । त्वा॒ । अ॒यम् । स्व॒धि॒ति॒रिति॑ स्व - धि॒तिः । ते॒ति॑जानः ।
 प्र॒णि॒ना॒येति॑ प्र - नि॒नाय॑ । म॒ह॒ते । सौ॒भ॒गाय॑ । अ॒च्छि॑न्नः । रा॒यः । सु॒वी॒र॒ इति॑ सु - वी॒रः ॥ 9

(यं-दशं च) (A5)

TS 1.3.6.1

पृ॒थि॒व्यै । त्वा॒ । अ॒न्त॒रि॒क्षाय॑ । त्वा॒ । दि॒वे । त्वा॒ । शु॒न्ध॑ताम् । लो॒कः । पि॒तृ॒ष॒द॒न॒ इति॑
 पि॒तृ - स॒द॒नः । य॒वः । अ॒सि॒ । य॒व॒यं । अ॒स्मत् । द्वे॒षः । य॒व॒यं । अ॒रा॒तीः । पि॒तृ॒णाम्
 । स॒द॒न॒म् । अ॒सि॒ । स्वा॒वे॒श॒ इति॑ सु - आ॒वे॒शः । अ॒सि॒ । अ॒ग्रे॒गा इत्य॑ग्रे - गाः । ने॒तृ॒णाम्
 । वन॑स्पतिः । अ॒धी॒ति॑ । त्वा॒ । स्था॒स्य॒ति॑ । तस्य॑ । वि॒त्ता॒त् । दे॒वः । त्वा॒ । स॒वि॒ता ।
 म॒द्धा॑ । अ॒न॒क्तु॒ । सु॒पि॒प्प॒ला॒भ्य॒ इति॑ सु - पि॒प्प॒ला॒भ्यः । त्वा॒ । ओष॑धी॒भ्य॒ इत्योष॑ध - भ्यः ।
 उ॒दि॒ति॑ । दि॒वम् । स्त॒भा॒न् । ए॒ति॑ । अ॒न्त॒रि॒क्षम् । पृ॒ण । पृ॒थि॒वी॒म् । उ॒प॒रे॒ण । दृ॒ह । ते
 । ते॒ । धा॒मा॒नि॑ । उ॒श्म॒सि॒ । 10

TS 1.3.6.2

ग॒म॒द्ध्यै । गा॒वः । य॒त्र । भूर्नि॑शृ॒ङ्गा॒ इति॑ भूर्नि - शृ॒ङ्गाः । अ॒या॒सः ॥ अ॒त्र । अ॒ह॑ । त॒त्
 । उ॒रु॒गा॒य॒स्ये॒त्यु॒रु - गा॒य॒स्य॑ । वि॒ष्णोः॑ । प॒र॒म॒म् । प॒द॒म् । अ॒वे॒ति॑ । भा॒ति॑ । भू॒रेः॑ ॥
 वि॒ष्णोः॑ । क॒र्मा॒णि॑ । प॒श्य॒त॒ । य॒तः । व्र॒ता॒नि॑ । प॒स्प॒शे ॥ इ॒न्द्र॑स्य । यु॒ज्यः॑ । स॒खा॑ ॥
 त॒त् । वि॒ष्णोः॑ । प॒र॒म॒म् । प॒द॒म् । स॒दा॑ । प॒श्य॒न्ति॑ । सू॒र॒यः॑ ॥ दि॒वि॑ । इ॒व॒ । चक्षुः॑ ।

आत॑त॒मित्या - त॒त॒म् ॥ ब्र॒ह्म॒वनि॒मिति॑ ब्रह्म - वनि॑म् । त्वा॒ । क्ष॒त्र॒वनि॒मिति॑ क्षत्र - वनि॑म् ।
 सुप्र॒जा॒वनि॒मिति॑ सुप्रजा - वनि॑म् । रा॒य॒स्पोष॒वनि॒मिति॑ रायस्पोष - वनि॑म् । परी॑ति । ऊ॒हामि॑ ।
 ब्रह्म॑ । दृ॒ह॒ । क्ष॒त्र॒म् । दृ॒ह॒ । प्र॒जामि॑ति प्र - जाम् । दृ॒ह॒ । रा॒यः । पोष॑म् () । दृ॒ह॒
 । प॒रि॒वीरि॑ति परि - वीः । अ॒सि॒ । परी॑ति । त्वा॒ । दैवीः॑ । वि॒शः । व्य॒य॒न्ता॒म् । परी॑ति ।
 इ॒म॒म् । रा॒यः । पोष॑ः । यज॑मानम् । म॒नुष्याः॑ । अ॒न्तरि॑क्षस्य । त्वा॒ । सानौ॑ । अवे॑ति ।
 गू॒हामि॑ ॥ 11

(उ॒श्म॒सी-पोष॒मे-का॒न्नवि॑शतिश्च) (A6)

TS 1.3.7.1

इ॒षे । त्वा॒ । उ॒प॒वीरि॑त्युप - वीः । अ॒सि॒ । उ॒पो इति॑ । दे॒वान् । दैवीः॑ । वि॒शः । प्रेति॑ ।
 अ॒गुः । व॒ह्नीः॑ । उ॒शिजः॑ । बृ॒ह॒स्प॒ते । धा॒रय॑ । वसू॑नि । ह॒व्या । ते । स्व॒दु॒न्ता॒म् । दे॒व ।
 त्व॒ष्टः । वसु॑ । र॒ण॒व॒ । रे॒व॒तीः । रम॑द्धम् । अ॒ग्नेः । ज॒नि॒त्र॑म् । अ॒सि॒ । वृष॑णौ । स्थः ।
 उ॒र्वशी॑ । अ॒सि॒ । आ॒युः । अ॒सि॒ । पु॒रुर॒वाः॑ । घृ॒तेन॑ । अ॒क्ते इति॑ । वृष॑णम् । दु॒धा॒था॒म् ।
 गा॒य॒त्र॒म् । छन्दः॑ । अनु॑ । प्रेति॑ । जा॒य॒स्व॒ । त्रैष्टु॑भम् । जा॒ग॒त॒म् । छन्दः॑ । अनु॑ । प्रेति॑
 । जा॒य॒स्व॒ । भव॑तम् । 12

TS 1.3.7.2

नः॑ । स॒म॒न॒सा॒वि॒ति॒ स - म॒न॒सौ । स॒मो॒क॒सा॒वि॒ति॒ सं - ओ॒क॒सौ । अ॒रे॒प॒सौ ॥ मा । य॒ज्ञम्
 । हि॒सि॒ष्टम् । मा । य॒ज्ञ॒प॒ति॒मिति॑ य॒ज्ञ - प॒ति॒म् । जा॒त॒वे॒द॒सा॒वि॒ति॑ जा॒त - वे॒द॒सौ । शि॒वौ ।
 भ॒व॒त॒म् । अ॒द्य । नः॑ ॥ अ॒ग्नौ । अ॒ग्निः । च॒र॒ति॒ । प्र॒वि॒ष्ट इति॑ प्र - वि॒ष्टः । ऋ॒षी॑णाम् ।
 पु॒त्रः । अ॒धि॒रा॒ज इत्य॑धि - रा॒जः । ए॒षः ॥ स्वा॒हा॒कृ॒त्येति॑ स्वा॒हा - कृ॒त्य॑ । ब्रह्म॑णा । ते ।
 जु॒हो॒मि॒ । मा । दे॒वाना॑म् । मि॒थु॒या । कः॑ । भा॒ग॒धे॒य॒मिति॑ भा॒ग - धे॒य॑म् ॥ 13

(भ॒व॒त॒-मे॒क॒त्रि॑शच्च) (A7)

TS 1.3.8.1

एति॑ । दु॒दे । ऋ॒तस्य॑ । त्वा॒ । दे॒वह॒विरि॑तिं दे॒व - ह॒विः । पा॒शेन॑ । एति॑ । रु॒भे ।
 ध॒र॒ष॑ । मा॒नु॒षान् । अ॒द्भ्य इत्य॑त् - भ्यः । त्वा॒ । ओ॒षधी॑भ्य॒ इत्यो॑षधि - भ्यः । प्रेति॑ ।
 उ॒क्षामि॑ । अ॒पाम् । पे॒रुः । अ॒सि । स्वा॒त्तम् । चि॒त् । सदे॒वमि॑ति स - दे॒वम् । ह॒व्यम्
 । आप॑ः । दे॒वीः । स्व॒द॒त । ए॒नम् । स॒मि॒ति । ते । प्रा॒ण इति॑ प्र - अ॒नः । वा॒युना॑ ।
 ग॒च्छ॒ताम् । स॒मि॒ति । यज॑त्रैः । अ॒ङ्गानि॑ । स॒मि॒ति । य॒ज्ञप॑तिरिति॑ य॒ज्ञ - प॒तिः । आ॒शिषे॑त्या॒
 - शि॒षा॑ । घृ॒तेन॑ । अ॒क्तौ । प॒शुम् । त्रा॒ये॒थाम् । रे॒व॒तीः । य॒ज्ञप॑तिमिति॑ य॒ज्ञ - प॒तिम् ।
 प्रि॒य॒धेति॑ प्रि॒य - धा । एति॑ । वि॒श॒त् । उ॒रो इति॑ । अ॒न्त॒रि॒क्ष् । स॒जूरि॑ति स - जूः । दे॒वेन॑ । 14

TS 1.3.8.2

वा॒तेन॑ । अ॒स्य । ह॒विषः॑ । त्म॒ना॑ । य॒ज्ञ । स॒मि॒ति । अ॒स्य । त॒नुवा॑ । भ॒व । व॒र॒षी॑यः ।
 व॒र॒षी॑यसि । य॒ज्ञे । य॒ज्ञप॑तिमिति॑ य॒ज्ञ - प॒तिम् । धाः । पृ॒थि॒व्याः । स॒म्पृ॒च इति॑ स॒म् - पृ॒चः
 । पा॒हि । नमः॑ । ते । आ॒ता॒ने॒त्या॑ - ता॒न । अ॒न॒र्वा । प्रेति॑ । इ॒हि । घृ॒तस्य॑ । कु॒ल्याम् ।
 अ॒न्वि॒ति । स॒ह । प्र॒जये॑ति प्र - ज॒या॑ । स॒ह । रा॒यः । पो॒षेण॑ । आप॑ः । दे॒वीः । शु॒द्धा॒युव॑
 इति॑ शु॒द्ध - यु॒वः । शु॒द्धाः । यू॒यम् । दे॒वान् । ऊ॒ढ्वम् । शु॒द्धाः । व॒यम् । परि॑विष्टा इति॑ परि॑
 - वि॒ष्टाः । परि॑वेष्टार॒ इति॑ परि॑ - वे॒ष्टारः॑ । वः । भू॒या॒स्म ॥ 15

(दे॒वन्-च॒तु॒श्च॒त्वारि॑श्श॒च्च) (A8)

TS 1.3.9.1

वाक् । ते । एति॑ । प्या॒य॒ताम् । प्रा॒ण इति॑ प्र - अ॒नः । ते । एति॑ । प्या॒य॒ताम् । चक्षुः॑
 । ते । एति॑ । प्या॒य॒ताम् । श्रो॒त्रम् । ते । एति॑ । प्या॒य॒ताम् । या । ते । प्रा॒णानि॑ति प्र
 - अ॒नान् । शुक् । ज॒गाम॑ । या । चक्षुः॑ । या । श्रो॒त्रम् । यत् । ते । क्रू॒रम् । यत् ।

आस्थित॑मित्या - स्थि॒तम् । तत् । ते । एति॑ । प्या॒यता॑म् । तत् । ते । एतेन॑ । शु॒न्धता॑म् ।
 । नाभिः॑ । ते । एति॑ । प्या॒यता॑म् । पा॒युः । ते । एति॑ । प्या॒यता॑म् । शु॒द्धाः । च॒रित्राः॑
 । शम् । अ॒द्भ्य इत्य॑त् - भ्यः । 16

TS 1.3.9.2

शम् । ओष॑धीभ्य॒ इत्योषा॑ध - भ्यः । शम् । पृ॒थिव्यै । शम् । अहो॑भ्या॒मित्यहः॑ - भ्याम् ।
 ओष॑धे । त्राय॑स्व । ए॒नम् । स्व॒धित॑ इति॒ स्व - धि॒ते । मा । ए॒नम् । हि॒सीः । रक्ष॑साम् ।
 । भा॒गः । अ॒सि । इ॒दम् । अ॒हम् । रक्षः॑ । अ॒धमम् । तमः॑ । न॒यामि॑ । यः । अ॒स्मान् ।
 । द्वेष्टि॑ । यम् । च । व॒यम् । द्विष्मः॑ । इ॒दम् । ए॒नम् । अ॒धमम् । तमः॑ । न॒यामि॑ ।
 इ॒षे । त्वा । घृ॒तेन॑ । द्या॒वापृ॒थिवी॑ इति॒ द्यावा - पृ॒थिवी॑ । प्रेति॑ । ऊ॒र्ण्वा॒थाम् । अ॒च्छिन्नः॑ ।
 रायः॑ । सु॒वीर॑ इति॒ सु - वीरः॑ । उ॒रु । अ॒न्तरि॑क्षम् । अ॒न्विति॑ । इ॒हि । वा॒यो इति॑ । वी॒ति ।
 इ॒हि () । स्तो॒काना॑म् । स्वाहा॑ । ऊ॒र्ध्वन॑भस॒मित्यू॒र्ध्व - न॒भस॑म् । मा॒रुत॑म् । गु॒च्छत॑म् ॥ 17

(अ॒द्भ्यो-वीहि-पञ्च च) (A9)

TS 1.3.10.1

समि॑ति । ते । मन॑सा । मनः॑ । समि॑ति । प्रा॒णेनेति॑ प्र - अ॒नेन॑ । प्रा॒ण इति॑ प्र - अ॒नः ।
 जुष्ट॑म् । दे॒वेभ्यः॑ । ह॒व्यम् । घृ॒तव॑दिति॒ घृत - व॒त् । स्वाहा॑ । ऐ॒न्द्रः । प्रा॒ण इति॑ प्र - अ॒नः ।
 । अ॒ङ्गेअ॒ङ्ग इत्य॑ङ्गे - अ॒ङ्गे । नी॒ति । दे॒द्व्यत् । ऐ॒न्द्रः । अ॒पा॒न इत्य॑प - अ॒नः । अ॒ङ्गेअ॒ङ्ग
 इत्य॑ङ्गे - अ॒ङ्गे । वी॒ति । बो॒भुव॑त् । दे॒व । त्व॒ष्टः । भूरि॑ । ते । स॒स॒मिति॑ सं - स॒म् । ए॒तु
 । वि॒षु॒रूपा॑ इति॒ वि॒षु - रू॒पाः । यत् । स॒ल॒क्ष्मा॒ण इति॑ स - ल॒क्ष्मा॒णः । भव॑न्थ । दे॒वत्रे॑ति॒
 दे॒व - त्रा । यन्त॑म् । अव॑से । स॒खायः॑ । अ॒न्विति॑ । त्वा । मा॒ता । पि॒तरः॑ । म॒दु॒न्तु ।
 श्रीः । अ॒सी । अ॒ग्निः । त्वा । श्री॒णा॒तु । आपः॑ । समि॑ति । अ॒रि॒णन् । वा॒तस्य॑ । 18

TS 1.3.10.2

त्वा । ध्रज्यै । पूष्णः । रश्म्यै । अपाम् । ओषधीनाम् । रोहिष्यै । घृतम् । घृतपावान् इति
 घृत - पावानः । पिबतु । वसाम् । वसापावान् इति वसा - पावानः । पिबतु । अन्तरिक्षस्य
 । हविः । असि । स्वाहा । त्वा । अन्तरिक्षाय । दिशः । प्रदिश इति प्र - दिशः । अदिश
 इत्या - दिशः । विदिश इति वि - दिशः । उदिश इत्युत् - दिशः । स्वाहा । दिग्भ्य इति
 दिक् - भ्यः । नमः । दिग्भ्य इति दिक् - भ्यः ॥ 19

(वातस्याष्टाविंशतिश्च) (A10)

TS 1.3.11.1

समुद्रम् । गच्छ । स्वाहा । अन्तरिक्षम् । गच्छ । स्वाहा । देवम् । सवितारम् । गच्छ ।
 स्वाहा । अहोरात्रे इत्यहः - रात्रे । गच्छ । स्वाहा । मित्रावरुणाविति मित्रा - वरुणौ । गच्छ
 । स्वाहा । सोमम् । गच्छ । स्वाहा । यज्ञम् । गच्छ । स्वाहा । छन्दांसि । गच्छ ।
 स्वाहा । द्यावापृथिवी इति द्यावा - पृथिवी । गच्छ । स्वाहा । नमः । दिव्यम् । गच्छ ।
 स्वाहा । अग्निम् । वैश्वानरम् । गच्छ । स्वाहा । अद्भ्य इत्युत् - भ्यः । त्वा । ओषधीभ्य
 इत्योषधि - भ्यः । मनः । मे । हार्दि । यच्छ । तनूम् । त्वचम् । पुत्रम् । नप्तारम् ।
 अशीय । शुक् । असि () । तम् । अभीति । शोच । यः । अस्मान् । द्वेष्टि । यम् । च
 । वयम् । द्विष्मः । धाम्नो धाम्न इति धाम्नः - धाम्नः । राजन् । इतः । वरुण । नः । मुञ्च
 । यत् । आपः । अघ्नियाः । वरुण । इति । शपोमहे । ततः । वरुण । नः । मुञ्च ॥ 20

(असि-षड्विंशतिश्च) (A11)

TS 1.3.12.1

हविष्मन्तीः । इमाः । आपः । हविष्मान् । देवः । अद्भ्यः । हविष्मान् । एति । विवासति

। ह॒विष्मान् । अ॒स्तु । सूर्यः ॥ अ॒ग्नेः । वः । अप॑न्नगृहस्येत्यप॑न्न - गृह॒स्य । स॒दसि
। सा॒दुयामि॑ । सु॒म्राय॑ । सु॒मिनीः॑ । सु॒मे । मा॒ । ध॒त्त । इन्द्रा॑ग्नियोरितीन्द्र - अ॒ग्नियोः ।
भा॒ग॒धेयी॑रिति भाग - धेयीः॑ । स्थ॒ । मि॒त्रावरु॑णयोरिति मि॒त्रा - वरु॑णयोः । भा॒ग॒धेयी॑रिति भाग -
धेयीः॑ । स्थ॒ । वि॒श्वेषाम् । दे॒वाना॑म् । भा॒ग॒धेयी॑रिति भाग - धेयीः॑ । स्थ॒ । य॒ज्ञे । जा॒गृत् ॥ 21

(ह॒विष्म॑न्ती-श्चतु॑स्त्रिंशत्) (A12)

TS 1.3.13.1

ह॒दे । त्वा॒ । मन॑से । त्वा॒ । दि॒वे । त्वा॒ । सूर्या॑य । त्वा॒ । ऊ॒र्द्धम् । इ॒मम् । अ॒द्भर॑म्
। कृ॒धि । दि॒वि । दे॒वेषु॑ । हो॒त्राः॑ । य॒च्छ । सोम॑ । रा॒ज॒न् । ए॒ति । इ॒हि । अ॒वेति॑ ।
रो॒ह । मा॒ । भेः॑ । मा॒ । स॒मिति॑ । वि॒क्त्वाः॑ । मा॒ । त्वा॒ । हि॒सि॒षम् । प्र॒जा इति॑ प्र -
जाः । त्वम् । उ॒पाव॑रोहेत्युप - अ॒वरो॑ह । प्र॒जा इति॑ प्र - जाः । त्वाम् । उ॒पाव॑रोहन्त्वित्युप -
अ॒वरो॑हन्तु । शृ॒णोतु॑ । अ॒ग्निः । स॒मिधेति॑ सम् - इ॒धौ । ह॒वम् । मे॒ । शृ॒ण्वन्तु॑ । आ॒पः ।
धि॒षणाः॑ । च॒ । दे॒वीः ॥ शृ॒णोत॑ । ग्रा॒वा॒णः । वि॒दुषः॑ । नु॒ । 22

TS 1.3.13.2

य॒ज्ञम् । शृ॒णोतु॑ । दे॒वः । स॒वि॒ता । ह॒वम् । मे॒ ॥ दे॒वीः॑ । आ॒पः । अ॒पाम् । न॒पात् । यः
। ऊ॒र्मिः । ह॒विष्यः॑ । इन्द्रि॑यावा॒नितीन्द्रि॑य - वा॒न् । म॒दि॒न्ता॑मः । तम् । दे॒वेभ्यः॑ । दे॒व॒त्रेति॑
दे॒व - त्रा॑ । ध॒त्त । शु॒क्रम् । शु॒क्र॒पेभ्य॑ इति शु॒क्र - पे॒भ्यः॑ । येषा॑म् । भा॒गः । स्थ॒ । स्वाहा॑
। का॒र॒षिः । अ॒सि । अ॒पेति॑ । अ॒पाम् । मृ॒द्धम् । स॒मु॒द्रस्य॑ । वः । अ॒क्षित्यै॑ । उ॒दिति॑ ।
न॒ये ॥ यम् । अ॒ग्ने । पृ॒थि॒स्वति॑ पृ॒त् - सु॒ । म॒र्त्यम् । आ॒वः । वा॒जे॒षु । यम् । जु॒नाः ॥
सः । य॒न्ता॑ । श॒श्व॑तीः । इ॒षः ॥ 23

(नु-स॒प्तच॑त्वारिंशच्च) (A13)

TS 1.3.14.1

त्वम् । अ॒ग्ने । रु॒द्रः । अ॒सुरः । म॒हः । दि॒वः । त्वम् । श॒र्धः । मा॒रु॒तम् । पृ॒क्षः । ई॒शि॒षे
 ॥ त्वम् । वा॒तैः । अ॒रु॒णैः । या॒सि । श॒ङ्ग॒य इति॑ शं - ग॒यः । त्वम् । पू॒षा । वि॒ध॒त इति॑
 वि - ध॒तः । पा॒सि । नु । त्म॒ना ॥ एति॑ । वः । रा॒जा॒नम् । अ॒द्ध॒रस्य॑ । रु॒द्रम् । हो॒ता॒रम्
 । स॒त्य॒य॒ज॒मिति॑ स॒त्य - य॒ज॒म् । रो॒द॒स्योः ॥ अ॒ग्निम् । पु॒रा । त॒न॒यि॒त्नोः । अ॒चि॒त्ता॒त् ।
 हि॒र॒ण्य॒रूप॒मिति॑ हि॒र॒ण्य - रू॒पम् । अ॒व॒से । कृ॒णु॒द्धम् ॥ अ॒ग्निः । हो॒ता । नी॒ति । स॒सा॒द् ।
 य॒जी॒यान् । उ॒प॒स्थ इत्यु॒प - स्थे । मा॒तुः । सु॒र॒भौ । उ । लो॒के ॥ यु॒वा । क॒विः । पु॒रु॒निष्ठ
 इति॑ पु॒रु - नि॒ष्ठः । 24

TS 1.3.14.2

ऋ॒ता॒वेत्यृ॒ता - वा । ध॒र्ता । कृ॒ष्टी॒नाम् । उ॒त । म॒द्व्ये । इ॒द्धः ॥ सा॒द्धी॒म् । अ॒कः ।
 दे॒व॒वी॒ति॒मिति॑ दे॒व - वी॒ति॒म् । नः । अ॒द्य । य॒ज्ञ॒स्य॑ । जि॒ह्वा॒म् । अ॒वि॒दा॒म् । गु॒ह्या॒म् ॥ सः ।
 आ॒युः । एति॑ । अ॒गा॒त् । सु॒र॒भिः । व॒सा॒नः । भ॒द्रा॒म् । अ॒कः । दे॒व॒हू॒ति॒मिति॑ दे॒व - हू॒ति॒म् ।
 नः । अ॒द्य ॥ अ॒क्र॒न्द॒त् । अ॒ग्निः । स्त॒न॒य॒न् । इ॒व । द्यौः । क्षा॒मं । रे॒रि॒ह॒त् । वी॒रु॒धः ।
 स॒म॒ञ्ज॒निति॑ सं - अ॒ञ्ज॒न् ॥ स॒द्यः । ज॒ज्ञा॒नः । वी॒ति । हि । ई॒म् । इ॒द्धः । अ॒ख्य॑त् । एति॑ ।
 रो॒द॒सी इति॑ । भा॒नु॒ना । भा॒ति । अ॒न्तः ॥ त्वे इति॑ । व॒सू॒नि । पु॒र्व॒णी॒केति॑ पु॒रु - अ॒नी॒क । 25

TS 1.3.14.3

हो॒तः । दो॒षा । व॒स्तोः । एति॑ । ई॒रि॒रे । य॒ज्ञि॒यांसः ॥ क्षा॒मं । इ॒व । वि॒श्वा । भु॒व॒ना॒नि ।
 य॒स्मि॒न् । स॒मि॒ति । सौ॒भ॒गा॒नि । द॒धि॒रे । पा॒व॒के ॥ तु॒भ्य॑म् । ताः । अ॒ङ्गि॒र॒स्त॒मेत्य॑ङ्गि॒रः - त॒म्
 । वि॒श्वाः । सु॒क्षि॒त॒य इति॑ सु - क्षि॒त॒यः । पृ॒थक् ॥ अ॒ग्ने । का॒मा॒य । ये॒मि॒रे ॥ अ॒श्या॑म् ।
 तम् । का॒म॑म् । अ॒ग्ने । त॒वं । ऊ॒ती । अ॒श्या॑म् । र॒यि॒म् । र॒यि॒व इति॑ र॒यि - वः । सु॒वी॒र॒मिति॑
 सु - वी॒र॑म् ॥ अ॒श्या॑म् । वा॒ज॑म् । अ॒भी॒ति । वा॒ज॒य॒न्तः । अ॒श्या॑म् । द्यु॒म्न॑म् । अ॒ज॒र ।

अज॑रम् । ते ॥ श्रेष्ठ॑म् । यवि॑ष्ठ । भार॑त् । अ॒ग्ने । द्यु॒मन्त॑मिति॑ द्यु - मन्त॑म् । एति॑ । भ॒र ॥ 26

TS 1.3.14.4

वसो॑ इति॑ । पुरु॑स्पृह॒मिति॑ पुरु - स्पृह॑म् । र॒यिम् ॥ सः । श्वितानः॑ । त॒न्यतुः॑ । रोच॑न॒स्था
इति॑ रोचन - स्थाः । अ॒जरो॑भिः । नान॑दद्भिरिति॑ नान॑दत् - भिः । यवि॑ष्ठः ॥ यः । पा॒व॒कः
। पुरु॑तम् इति॑ पुरु - तमः । पुरु॑णि । पृथू॑नि । अ॒ग्निः । अ॒नुया॑तीत्यनु - याति॑ । भ॒र्वन् ॥
आयुः॑ । ते । विश्व॑तः । दध॑त् । अ॒यम् । अ॒ग्निः । वर॑ण्यः ॥ पुनः॑ । ते । प्रा॒ण इति॑ प्र -
अ॒नः । एति॑ । अ॒यति॑ । परेति॑ । यक्ष॑मम् । सु॒वामि॑ । ते ॥ आ॒युर्दा॑ इत्या॒युः - दाः । अ॒ग्ने
। ह॒विषः॑ । जुषा॑णः । घृत॑प्रतीक॒ इति॑ घृत - प्र॒तीकः । घृत॑यो॒निरिति॑ घृत - यो॒निः । ए॒धि ॥
घृत॑म् । पी॒त्वा । मधु॑ । चारु॑ । गव्य॑म् । पि॒ता । इ॒व । पु॒त्रम् । अ॒भीति॑ । 27

TS 1.3.14.5

र॒क्षता॑त् । इ॒मम् ॥ तस्मै॑ । ते । प्र॒ति॒हर्य॑त् इति॑ प्रति - हर्य॑ते । जा॒तवे॑द॒ इति॑ जा॒त - वे॑दः
। वि॒चरू॑षण॒ इति॑ वि - चरू॑षणे ॥ अ॒ग्ने । जना॑मि । सु॒ष्टुति॑मिति॑ सु - स्तु॒तिम् ॥ दि॒वः ।
परी॑ति । प्र॒थ॒मम् । ज॒ज्ञे । अ॒ग्निः । अ॒स्मत् । द्वि॒तीय॑म् । परी॑ति । जा॒तवे॑दा॒ इति॑ जा॒त -
वे॑दाः ॥ तृ॒तीय॑म् । अ॒प्स्वि॒त्यप् - सु । नृ॒मणा॑ इति॑ नृ - मनाः॑ । अ॒ज॒स्रम् । इ॒न्धा॑नः ।
ए॒नम् । ज॒रते॑ । स्वा॒धीरिति॑ स्व - धीः ॥ शु॒चिः । पा॒व॒क । व॒न्धः । अ॒ग्ने । बृ॒हत् । वी॑ति
। रो॒च॒से ॥ त्वम् । घृ॒तेभिः॑ । आ॒हु॒त॒ इत्या॑ - हु॒तः ॥ दृ॒शा॒नः । रु॒क्मः । उ॒र्व्या । वी॑ति
। अ॒द्यौत् । दु॒र्मरू॑ष॒मिति॑ दुः - मरू॑षम् । आयुः॑ । श्रि॒ये । रु॒चा॒नः ॥ अ॒ग्निः । अ॒मृतः॑ ।
अ॒भ॒वत् । वयो॑भिरिति॑ वयः - भिः । 28

TS 1.3.14.6

यत् । ए॒नम् । द्यौः । अ॒ज॒न॒यत् । सु॒रेता॑ इति॑ सु - रेताः॑ ॥ एति॑ । यत् । इ॒षे । नृ॒प॒ति॒मिति॑
नृ - प॒ति॑म् । तेजः॑ । आ॒न॒ट् । शु॒चि॑ । रे॒तः । नि॒षि॒क्त॒मिति॑ नि - सि॒क्त॒म् । द्यौः । अ॒भी॒कै

॥ अ॒ग्निः । श॒र्धम् । अ॒न॒व॒द्यम् । यु॒वा॒नम् । स्वा॒धि॒य॒मि॒ति॒ स्व - धि॒य॒म् । ज॒न॒य॒त् । सू॒द॒य॒त् ।
 । च॒ ॥ सः । ते॒जी॒य॒सा । म॒न॒सा । त्वो॒तः । उ॒त । शि॒क्ष॒ । स्व॒प॒त्य॒स्ये॒ति॒ सु - अ॒प॒त्य॒स्य॑
 । शि॒क्षोः ॥ अ॒ग्ने॒ । रा॒यः । नृ॒त॒म॒स्ये॒ति॒ नृ - त॒म॒स्य॑ । प्र॒भू॒ता॒वि॒ति॒ प्र - भू॒तौ । भू॒याम॑ । ते
 । सु॒ष्टु॒त॒य॒ इति॑ सु - स्तु॒त॒यः॑ । च॒ । व॒स्वः ॥ अ॒ग्ने॒ । स॒ह॒न्त॒म् । ए॒ति॑ । भ॒र॒ । द्यु॒म॒न॒स्य॑ ।
 प्रा॒स॒हे॒ति॑ प्र - स॒हो॑ । र॒यि॒म् ॥ वि॒श्वाः॑ । यः । 29

TS 1.3.14.7

च॒र॒ष॒णीः । अ॒भी॒ति॑ । आ॒सा । वा॒जे॒षु । सा॒स॒ह॒त् ॥ त॒म् । अ॒ग्ने॒ । पृ॒त॒ना॒स॒ह॒मि॒ति॑ पृ॒त॒ना
 - स॒ह॒म् । र॒यि॒म् । स॒ह॒स्वः॑ । ए॒ति॑ । भ॒र॒ ॥ त्व॒म् । हि॒ । स॒त्यः॑ । अ॒द्भु॒तः॑ । दा॒ता ।
 वा॒ज॒स्य॑ । गो॒म॒त॒ इति॑ गो - म॒तः॑ ॥ उ॒क्षा॒न्ना॒ये॒त्यु॒क्ष - अ॒न्ना॒य॒ । व॒शा॒न्ना॒ये॒ति॑ व॒शा - अ॒न्ना॒य॒ ।
 सो॒म॒पृ॒ष्ठा॒ये॒ति॑ सो॒म॒ - पृ॒ष्ठा॒य॒ । वे॒ध॒सै॑ ॥ स्तो॒मैः॑ । वि॒धे॒म् । अ॒ग्न॒यै॑ ॥ व॒द्वा । हि॒ । सू॒नो॒ इति॑
 । अ॒सि॑ । अ॒द्व॒स॒द्वे॒त्य॒न्न॒ - स॒द्वो॑ । च॒क्रे॑ । अ॒ग्निः॑ । ज॒नु॒षो॑ । अ॒ज्म॑ । अ॒न्न॒म् ॥ सः॑ । त्व॒म्
 । नः॑ । ऊ॒र्ज॒स॒न॒ इत्यु॑र्ज - स॒ने॑ । ऊ॒र्ज॒म् । धाः॑ । रा॒जो॑ । इ॒व॒ । जेः॑ । अ॒वृ॒के॑ । क्षे॒षि॑ ।
 अ॒न्तः॑ ॥ अ॒ग्ने॒ । आ॒यू॒षि॑ । 30

TS 1.3.14.8

प॒व॒से॒ । ए॒ति॑ । सु॒व॒ । ऊ॒र्ज॒म् । इ॒ष॒म् । च॒ । नः॑ ॥ आ॒रे॒ । बा॒ध॒स्व॒ । दु॒च्छु॒नो॑म् ॥ अ॒ग्ने॒
 । प॒व॒स्व॒ । स्व॒पा॒ इति॑ सु - अ॒पाः॑ । अ॒स्मे॒ इति॑ । व॒चः॑ । सु॒वी॒र्य॒मि॒ति॑ सु - वी॒र्य॒म् ॥ द॒ध॒त्
 । पो॒ष॒म् । र॒यि॒म् । म॒यि॑ ॥ अ॒ग्ने॒ । पा॒व॒क् । रो॒चि॒षो॑ । म॒न्द्र॒यो॑ । दे॒व॒ । जि॒ह्वा॑ ॥ ए॒ति॑ ।
 दे॒वान् । व॒क्षि॑ । य॒क्षि॑ । च॒ ॥ सः॑ । नः॑ । पा॒व॒क् । दी॒दिवः॑ । अ॒ग्ने॒ । दे॒वान् । इ॒ह॒ । ए॒ति॑
 । व॒ह॒ ॥ उ॒पे॒ति॑ । य॒ज्ञ॒म् । ह॒विः॑ । च॒ । नः॑ ॥ अ॒ग्निः॑ । शु॒चि॒व्र॒त॒त॒म॒ इति॑ शु॒चि॒व्र॒त॒ - त॒मः॑
 । शु॒चिः॑ । वि॒प्रः॑ । शु॒चिः॑ () । क॒विः॑ ॥ शु॒चिः॑ । रो॒च॒ते॑ । आ॒हु॒त॒ इत्या॑ - हु॒तः॑ ॥ उ॒दि॒ति॑
 । अ॒ग्ने॒ । शु॒च॒यः॑ । त॒व॑ । शु॒क्राः॑ । भ्रा॒ज॒न्तः॑ । ई॒र॒ते॑ ॥ त॒व॑ । ज्यो॒ती॒षि॑ । अ॒र्च॒यः॑ ॥ 31

विप्रः शुचि-श्चतुर्दश च) (A14)

praSna korvai with starting padams of 1 to 14 anuvAkams :-

(देवस्य-रक्षोहणो-विभू-स्त्व-सोमा-ऽत्यन्यानगा-पृथिव्या-इषे त्वा-ऽऽदे-वाक्त-सन्ते-समुद्र-हविष्मती-हृदे-त्वमग्ने रुद्र-श्चतुर्दश)

korvai with starting padams of 1, 11, 21 series of pa jCAtis :-

(देवस्य-गमध्ये-हविष्मती-पवस-एकत्रिंशत्)

first and last padam of third praSnam :-

(देवस्या-र्चयः)

॥ हरिः ॐ ॥ ॥ कृष्ण यजुर्वेदीय तैत्तिरीय संहितायां प्रथमकाण्डे तृतीयः प्रश्नः समाप्तः ॥